

INDEX CAPITUM.

CAPUT XXXIII.

CAPUT XXXIV.

Cui acquirant religiosi, à potestate, vel à religione ejeti, sive transferant ad aliam religionem, seu ad aliud beneficium ecclesiasticum, sive non, 392

Cui acquirant conversi, & oblato, ac fratre Xenodochii Joannis de Deo, ac verè professi, dolo tamen Abbatis ad profectum inducti, 391

Finis Indicis Capitem.



LI



LIBER QUINTUS DE VOTO SOLEMNI IN COMMUNI, ET DE SOLEMNI CASTITATIS.

CAPUT PRIMUM.

In quo solemnitas voti consistat: & qualiter à simplici differat: & quo jure matrimonium subsequens dirimat: & utrum ex his ad verè religionis essentiam desideretur.

SUMMARIUM.

Quor. quæstiones disputanda snt, n. 1. An stando in jure naturali differat votum simplex, & solemne, & differant specie: & in quo utriusque essentia consistat: & quo jure per solemne dirimatur matrimonium sequens? Responsum varia sententia? a n. 2. usque ad 5. Explicatur sententia Auctoris circa hæc: & an eodem modo obliget utrumque, ac votum solemne sit ens per accidens? a n. 6. usque ad 9. An solemne paupertatis votum reddat jure natura vouentem incapacem dominii acquirendi, & illius transferendi? eodem n. 9. Post n. 9. invenies alia summaria.



AGNUS de voto simplicis obligatione agimus: jam de voto solemni agendum est. Et primò quidem in genere: deinde autem de singulis solemnitibus obedientiæ, paupertatis, & castitatis votis agemus. Triplex ergo quæstio in hoc capite disputanda est. Prima, an sit aliquid discrimen stando in solo jure naturæ inter votum solemne, & simplex: & quo jure per solemne dirimatur matrimonium subsequens? Secunda, an sit totum discrimen sit ex jure ecclesiastico, in quo illud consistat? Ultima, an ad veram religionis essentiam professio solemnis desideretur?

3 Quæstio prima. An secluso jure ecclesiastico, & stando in solo jure naturæ, sit aliquid discriminis inter votum simplex, & solemne: an potius tota voti solemnis ratio, & differentia à simplici sit ex iplo jure ecclesiastico: & quo jure per votum solemne dirimatur matrimonium subsequens? Triplex est sententia. Prima ait; essentiam voti solemnis consistere in quadam benedictione. Hanc retulimus, & impugnavimus lib. 7. de matrimonio, disput. 25. num. 1.

3 Secunda sententia sustinet, essentiam voti solemnis consistere in actuali dominii sui ipsius traditione in manus Dei, ac Prælatorum vices Dei gerentium, ipsiusque nomine eam acceptantium: ac proinde differre essentialiter, & iplo jure naturæ attentò, à voto simplici: quod in hoc aut nulla sit traditio: aut quando promittitur aliquid, quod in futurum tempore conferetur, ut est votum ingressus religionis: aut si sit traditio, ut contingit in simplici castitatis voto, est imperfecta, nec domino sui corporis vouentem spolians, sed licito usu solo. At in voto religionis solemni est perfectissima traditio à superioribus nomine Dei acceptata, abdicans omne vouentis dominium, & transferens illud

perfectè in Deum, & superiores nomine Dei acceptantes: ita ut Deus sit jam dominus ejus, non tantum tanquam causa universalis, quale caterarum rerum dominium habet, sed comparet speciale hujus persone dominium, quod ipsa antea habebat in seipsum tanquam peculiari persona, ac suorum actuum domina: ac proinde reddatur incapax per se, & ex natura rei transferendi in alterum sui dominium. Quare sicut iplo naturæ jure differant sponsalia, & matrimonium, quod illa sint futurarum nuptiarum promissio, nec dominium sui corporis à sponsis auferant; hoc autem perfectissima traditio, privans omnino corporis dominio conjuges ipsos: sic naturæ jure eadem differentia est inter votum simplex, & solemne. Quomobrem juxta hanc sententiam, sicut matrimonii essentia perfectè, & integrè, jure iplo naturali consistit in corporis traditione, per alterum conjugem acceptata: solemnitates autem, quas Ecclesia postulat, ut valida sit ea traditio, sunt ex jure ecclesiastico, & conditiones, sine quibus non matrimonii essentia consisteret, ut celebrari coram parochio, & testibus, in tali ætate, &c. Ita voti solemnis professionis essentia est integra, & perfectè ex iplo naturæ jure, consentiens in prædicta traditione: circumstantiæ autem ab Ecclesia præceptæ ad illius traditionis valorem, sunt accidentales, & conditiones sine quibus non; sicut professionem emitti in religione approbata, in ætate determinata, transacto novitiatus anno, &c. Et sic explicat hæc sententia decretum Bonifacii VIII. c. unico, de voto, in 6. dicentis solemnitatem voti esse ex Ecclesiæ constitutione, ut intelligatur de solemnitatis extrinseca, & accidentali. Auctores hujus sententiæ, & ejus fundamenta retulimus l. 7. de matrim. disput. 25. à n. 7. usque ad 20.

4 Hinc deducit hæc sententia, non tanti vinculi esse ex ipsa rei natura votum simplex, quanti est solemne, & utrumque specie differre. Cujus rationem, & auctores retulimus ad. disput. 25. n. 18. & 19.

5 Secundo, deducit hæc sententia, solemne professionis votum ex vi sua, ac jure naturali, argue secluso quocumque ecclesiastico, vim sortiri matrimonii postea initi cassandi. Sicut matrimonium reddit iplo jure naturæ irritum quocumque aliud matrimonium initum iplo stante. Putatque hæc sententia hoc modo intelligendum decretum Syriaci Pontificis epistola 1. c. 6. quod refertur c. si quis sacro, in n. 27. g. 1. dicentis, contrahentes matrimonium post solemne religionis votum, separandos esse verbo Domini, & auctoritate canonica. Et decretum Tridentini sess. 24. de matrim. can. 9. anathematizat dicentes matrimonium in sacris ordinibus constitutum, aut professum, valere non obstante constitutione ecclesiastica, & voto. Ubi lex ecclesiastica refertur ad ordines, votum autem ad professionem, quasi ex vi hujus voti matrimonium postea initum dirimatur. Auctores hujus sententiæ, ejusque fundamenta retulimus lib. 7. de matrimonio disputat. 26. num. 4. ubi num. 3. retulimus aham dicentem, id habere ex solo jure diuino positivo. Et quamvis hi Doctores non agant de solemni paupertatis voto: at juxta suam sententiam debent consequenter dicere, jure naturali reddi per illud vouentem incapacem dominii acquirendi, ac illud in alterum transferendi.

6 At sententia, quam verissimam puto, ait, solemne pro-





